

【经文信息】大正藏第 20 册 No. 1179

文殊师利菩萨六字咒功能法经 1 卷

No. 1179

文殊师利菩萨六字咒功能法经

南无一切利益尊者文殊师利童子菩萨摩訶萨呪曰。

闍婆计陀那(上)摩

于此文殊师利菩萨六字咒功能法。我今说。若有人每日诵此呪七遍。决定罪业得除灭。若有人能每日诵此呪一百八遍。其人临命终时。现前见文殊师利菩萨。若有人受持此呪得成法者。先食菜或食乳糜。或食大麦子粥。或食大麦麩或乞食。每日平旦日午日没三时洗浴。别着一具净衣。即诵此呪六十万遍法即成就。于后不割断蒔栴上。其画匠人受八戒。不用胶画文殊师利菩萨。于莲华上座说法之像。一切庄严具足。作童子形天衣褙左肩。于右应画作圣观自在菩萨。坐莲华座手执拂。左边应画圣普贤菩萨。像上两边虚空。于云中出呪仙手执花鬘作。画像下应画持呪人手执香炉。瞻仰文殊师利菩萨。其像四边皆应作山峯。于菩萨座下。应作花池充满莲华。已后于舍利塔前面向西。安栴广大供养已。用苏燃灯。取闍提花一千八枚。取一一花各呪一遍于像面散。即有声出闻微妙声或栴动。若闻妙声时得称心。若栴动时一切诤论中得胜。一切世间言教皆通达。一切众生皆爱乐。若不成此法。余一切事业皆不得成就。

又法沈香长八指任麤细。于苏合香油涂。于以却陀罗木炭无烟火中各呪一遍。从初夜至明相出时烧。即见文殊师利菩萨亲自来。于呪师前随所求皆与满足。唯除淫欲。

又法于栴前以檀香昼夜烧不断。诵此呪。文殊师利菩萨亲来。为说甚深法皆得胜解。永离一切病得自在。得入菩萨地。

又法以紫檀长六指克作莲华。更研紫檀末和水。涂之诵百千遍。至十五日夜满月时。于栴前取花叶两手叶花诵呪。至于顶上光出即取其花。令彼人成如二八十六岁人身相端严。金色光明过于千日。威光如天童子一切成就。呪仙皆恭敬寿命一劫。劫尽已后往生极乐世界。

又法于月蚀时。取白昌蒲根。以瞿妹耶粪奶酪苏。比五和洗昌蒲根。洗已。宾钵罗树叶果礼(下安四叶上着三叶)呪至或烟出或暖火焰出。若暖气时。得众生欢喜及一切论难皆胜。若烟出时。得安达底寿一万年。若火焰出得升阿迦舍。寿一大劫。

又法取黄牛有犊子者。攢奶酪取苏置熟铜器中。以宾钵罗七叶覆之呪之。如上烟等三事成就。即服此苏。或多闻或安达罗。或升阿迦舍。

又法取布央迦罗子于月蚀。置日中含诵此呪。至子动时。取三种铜作珠作孔。内子于珠孔中含住。即安陀利出口。即见之。

又法取钉香口含。诵此呪六十万遍已。随共人语所求皆得。

又法食乳大麦子或麩。诵呪一百二十万遍。得成呪仙。

又法乞食不得语。满十万遍得安达地多。若诵呪满一俱胝。即见圣者文殊师利菩萨如是说法。决定令得入一生补处大菩萨众。若每常诵此呪。一切蒙利皆得成就。

又法取安悉香捣末。以苏和为丸。如小枣作十万丸。一一皆呪一遍。火中烧之至尽。即金钱十万枚。

又法于流入海大河中。以一万莲华各呪一遍。掷置河中至尽。如彼莲华数量宝伏藏见。得其藏受用无尽。

又法油麻以酪苏和。一撮各各呪一遍。置火中至十万遍。其人得财富。能施与一切物。

又法取未堕地瞿妹耶泥地作坛。以种种花散其上坐。每日诵呪一千八遍。即读大乘经。至满一月即得聪慧。

又法取牛黄呪一千八遍涂额上。一切众生见者皆欢喜。于顶上发呪七遍结之。一切恶人不能损害。

又法取鸡知摩罗果一万颗。一一呪一遍。置火中烧至尽。一切诸病皆得除愈。

文殊师利菩萨六字呪法一卷

以耇尾山高山寺之本。于洛北大报恩寺遗教会之砌写之。八家录云。六字神呪经一卷。注云或云六字呪经。贞元。梵释欠。注亦云六字呪法。题云文殊师利菩萨六字功能法。薄草子二。引用此经。

时天明五乙巳年二月八日 智积轮下东武慈忍识 享和改元仲秋八月。请求慈忍师之本令写之 当山慈心院传灯等校验加。训予更再订授于工公于天下。

丰山长谷总持兰若沙门快道志

享和三年癸亥四月朔日一校加笔毕慈顺

【经文信息】大正藏第 20 册 No. 1179 文殊师利菩萨六字咒功能法经

【版本记录】CBETA 电子佛典 Rev. 1.11 (Big5), 完成日期: 2009/04/23

【编辑说明】本数据库由中华电子佛典协会 (CBETA) 依大正藏所编辑

【原始数据】萧镇国大德提供, 北美某大德提供

【其他事项】本数据库可自由免费流通, 详细内容请参阅【[中华电子佛典协会数据库版权宣告](#)】
